

水經注卷二十六



漢 桑 欽 撰

後魏 酈道元 注

沐水

徐州入海

淮行者也

巨洋水

徐州

淄水

兗州入海

汶水

徐州

濰水

徐州會東汶海

膠水

徐州

沐水出琅邪東莞縣西北山

漢地理志術水出琅邪郡東莞縣南至下邳入

泗過郡三行七百

一十里青州寢

大弁山與小太山連麓而異名也引控衆流積以成川東南流逕邳鄉南南去縣八十許里城有三

水經注

卷二十六

沐水

一

面而不周於南故俗謂之半城沐水又東南流左右峴水水北出大峴山東南流逕邳鄉東東南流注于沐水也

東南過其縣東

沐水左與箕山之水合水出東諸縣西箕山劉澄之以爲許由之所隱也更爲巨謬矣其水西南流注于沐水也

又東南過莒縣東

地理志曰莒子之國盈姓也少昊後列女傳曰齊

按此三句乃九歌少司命之詞

人杞梁殖襲莒戰死其妻將赴之道逢齊莊公公將弔之杞梁妻曰如殖有罪君何辱命焉如殖無罪有先人之弊廬在下妾不敢與郊弔公旋車弔諸室妻乃哭於城下七日而城崩故琴操云殖死妻援琴作歌曰樂莫樂兮新相知悲莫悲兮生別離哀感皇天城為之墜卽是城也其城三重並悉崇峻唯南開一門內城方十二里郭周四十許里尺子曰莒君好鬼巫而國亡無知之難小白奔焉樂毅攻齊守嶮全國秦始皇縣之漢興以為城陽

水經注

卷二十六

二

譚云今之窮極伎巧者豈特璧帶飾金銀而已哉始知古人之朴

國封朱虛侯章治莒王莽之莒陵也光武合城陽國為琅邪國以封皇子京雅好宮室窮極伎巧璧帶飾以金銀明帝時京不安莒移治閭陽矣後漢書作

章帝時又云移治開陽 沫水又南袁公水東出清山尋坤維

而注沫沫水又南潯水注之水出於巨公之山西

南流舊塌以漑渚田東西二十里南北十五里潯

水又西南流入沫沫水又南與葛陂水會水發三

冠注注山西南流逕辟城城南世謂之辟陽城史記建

元以來王子侯者年表曰漢武帝元朔二年封城

陽共王子劉侯劉壯爲侯國也其水於邑積以爲陂謂之辟陽湖西南流注于泚水也

又南過陽都縣東入于沂

泚水自陽都縣又南會武陽溝水水東出倉山山上有故城世謂之監官城非也卽古有利城矣漢武帝元朔四年封城陽共王子劉釘爲侯國也其城因山爲基水導山下西北流謂之武陽溝又西至卽丘縣注于泚泚水又南逕東海郡卽丘縣故春秋之祝丘也桓公五年經書齊侯鄭伯如紀城

水經注

卷二十六

三

祝丘左傳曰齊鄭朝紀欲襲之漢立爲縣王莽更之曰就信也郡國志曰自東海分屬琅邪闕駟曰郎祝魯之音蓋字承讀變矣泚水又南逕東海厚丘縣王莽更之祝其亭也分爲二瀆西南出今無水世謂之枯泚一瀆南逕建陵縣故城東漢景帝八年封石綰爲侯國史記年表作六年作衛綰王莽更之曰付亭也泚水又南逕陵山西魏正元中齊王之鎮徐州也立大塲邊水西流兩瀆之會置城防之曰曲泚戍自流三十里西注泚水舊瀆謂之新渠自厚

丘西南出左會新渠南入淮陽宿預縣注泗水地理志所謂至下邳注泗者也經言於陽都入沂非矣沫水左瀆自大堰水斷故瀆東南出桑堰水注之音祀水出襄賁縣泉流東注沫瀆又南左合橫溝水水發瀆右東入沫之故瀆又南暨于堰舊本作暨于湯蓋竭字之誤也其水西南流逕司吾山東又逕司吾縣故城西春秋左傳楚執鍾吾子以爲司吾縣王莽更之息吾也又西南至宿預注泗水也沫水故瀆自下堰東南逕司吾城東又東南歷祖口城中祖

水經注

入卷二十六

四

水出於楚之相地春秋襄公十年經書公與晉及諸侯會吳于相京相璠曰宋地今彭城偃陽縣西北有相水溝去偃陽八十里東南流逕偃陽縣故城東北地理志曰故偃陽國也春秋左傳襄公十年夏四月戊午會于相晉荀偃士句請伐偃陽而封宋向戌焉荀瑩曰城小而固勝之不武弗勝爲笑固請丙寅圍之弗克孟氏之臣秦董父輦重如役偃陽人啟門諸侯之士門焉縣門發鄆左傳人作鄆紇挾之以出門者狄虎彌建大車之輪而蒙之以

甲以爲櫓左執之右拔戟以成一隊孟獻子曰詩所謂有力如虎者也主人縣布董父登之及堞而絕之墜則又縣之蘇而復上者三主人辭焉乃退帶其斷以徇於軍三日諸侯之師久於偃陽請歸智伯怒曰七日不克爾乎取之以謝罪也荀偃士匄攻之親受矢石遂滅之以偃陽子歸獻于武宮謂之夷俘偃陽妘姓也漢以爲縣漢武帝元朔三年封齊孝王子劉就爲侯國王莽更之輔陽也郡國志曰偃陽有祖水祖水而南亂于沂而注于沫

水經注

卷三十六

五

謂之祖口城得其名矣東南至胸縣入游注海也巨洋水出朱虛縣泰山北過其縣西

泰山卽東小泰山也巨洋水卽國語所謂具水矣

袁宏謂之巨昧王韶之以爲巨獲從道經注所引改亦或曰胸瀾皆

一水也而廣其目焉其水北流逕朱虛縣故城西

漢惠帝二年封齊悼惠王子劉章爲侯國地理風俗記曰丹山在西南丹水所出東入海丹水由朱虛丘阜矣故言朱虛城西有長坂遠峻名爲破車峴城東北二十里有丹山世謂之凡山縣在西南

非山也。丹凡字相類，音從字變也。山導丹水有二源，各導一山，世謂之東丹、西丹水也。西丹自穴山北流，逕劇縣故城東。東丹水注之，出方山。山有三水，一水即東丹水也。北逕縣合，西丹水而亂流，又東北出，逕濟薄澗北。洳水亦出方山，流入平壽縣，積而為渚。水盛則北注，東南流，屈而東北流，逕平壽縣故城西，而北入丹水，謂之魚合口。丹水又東北，逕望臺東，東北注海，蓋亦縣所氏者也。又北過臨朐縣東。

水經注

八卷二十六

巨洋水

六

巨洋水自朱虛北入臨朐縣，熏冶泉水注之。水出西谿，飛泉側瀨於窮坎之下，泉谿之上，源麓之側，有一祀，目之為冶泉祀。按廣雅，金神謂之清明，斯地蓋古冶官所在，故水取稱焉。水色澄明而清冷，特異，淵無潛石，淺鏤沙文。中有古壇，參差相對，後人微加功飾，以為嬉遊之處。南北遂岸，凌空疎水，交合先公以太和中作鎮海岱，余總角之年，持節

東州，至若炎夏火流，闕居倦想，提琴命友，嬉娛永

日。桂筍尋派，當作桂輕林委浪，琴歌既洽，懽情亦

權尋波。

不云淵無潛石，對潭不
推鏡皆是形
谷水色清照
古獨絕

暢是焉棲寄。實可憑祿。小東有一湖。佳饒鮮筍。匪直芳齊芍藥。實亦潔並飛鱗。其水東北流入巨洋。謂之熏冶泉。又逕臨朐縣。故城東城古伯氏駢邑也。漢武帝元朔二年封菑川懿王子劉奴爲侯國。應劭曰。臨朐山名也。故縣氏之朐亦水名。其城側川臨朐。是以王莽用表厥稱焉。其城上下泚水。悉是劉武皇北伐廣固營壘所在矣。巨洋又東北逕委粟山。東孤阜。委立形若委粟。又東北洋水注之。水西出石膏山。西北石澗口。東南逕逢山下祠西。

水經注

卷二十六

七

洋水又南東歷逢山下。卽石膏山也。麓三成壁立直上。山上有石鼓。鳴則年凶。郭緣生續述征記曰。逢山在廣固南三十里有祠。并石鼓齊地將亂。石人輒打石鼓。聞數十里。洋水歷其陰而東北流。世謂之石溝水。東北流出於委粟山北而東注于巨洋。謂之石溝。只然是水下流。亦有時通塞。及其春夏水泛。川濶無輟。亦或謂之爲龍泉水。地理志石膏山。洋水是出也。今於此縣唯是瀆當之。似符羣證矣。巨洋又東北得邳泉口。泉源西出平地東流。

注于巨洋。巨洋又北會建德水。水西發逢山阜而東流入巨洋水也。

又北過劇縣西。

巨洋水又東北合康浪水。水發縣西南嶼山無事樹木。而負峭孤峙。噴岈分立。左思齊都賦曰嶼嶺其左是也。康浪水北流注於巨洋。巨洋又東北逕劇縣故城西。古紀國也。春秋莊公四年紀侯不能下齊以與弟季大去其國。違齊難也。後改曰劇。故魯連子曰胸劇之人。辯者也。漢文帝十八年別為

水經注

入卷三十六

八

菑川國。後并北海。漢武帝元朔二年封菑川懿王子劉錯為侯國。王莽更之。愈縣也。城之北側有故臺。臺西有方地。晏謨曰西去齊城九十七里。耿弇破張步於臨淄。追至巨洋水上。舊本作巨昧僵尸相屬。

即是水也。巨洋又東北逕晉龍驤將軍幽州刺史辟閭渾墓東。而東北流。渾側有一墳甚高大。時人咸謂之為焉陵。一作馬陵而不知誰之丘壟也。巨洋水

又東北逕益縣故城。東王莽更之滌蕩也。晏謨曰南去齊城五十里。司馬宣王伐公孫淵。北徙豐人

住於此城遂改名爲南豐城也又東北積而爲潭
枝津出焉謂之百尺溝西北流逕北益都城也漢
武帝元朔三年封菑川懿王子劉胡爲侯國又西
北流而注于巨淀矣當作巨洋
又東北過壽光縣西

巨洋水自湖東北流逕縣故城西王莽之翼平亭
也漢光武建武二年封更始子鯉爲侯國城之西
南水東有孔子石室故廟堂也中有孔子像弟子
問經旣無碑誌未詳所立巨洋又東北流堯水注

水經注

入卷二十六

九

之水出劇縣南有崩山卽故義山也俗人以其山
角因名爲角崩山亦名爲角林山皆世俗音譌也
水卽蕤水矣地理志曰劇縣有義山蕤水所出也
北逕嶼山東俗亦名之爲青水矣堯水又東北逕
東西壽光二城間應劭曰壽光縣有灌亭杜預曰
在縣東南斟灌國也又言斟亭在平壽縣東南平
壽故城在白狼水西今北海郡治水上承營陵縣
之下流東北逕城東西入別畫湖亦曰朕懷湖湖
東西二十里南北三十里東北入海斟亭在漑水

朱云薛瓚駁其非道元證其是文殊淹雅清辯故鄙注不獨取其於詞正該博

東水出桑犢亭東覆瓿山亭故高密郡治世謂之

故郡城山謂之塔山水曰鹿孟水亦曰吳孟水皆

非也地理志曰桑犢故亭北海之屬縣矣有覆瓿

山漑水所出北逕斟亭西北今日狼水按地理志

北海有斟縣京相璠曰故斟尋國禹後西北去灌

亭九十九十當作九里宋本作九十里恐亦誤耳漑水又北逕寒亭西

郡國志曰平壽在斟灌東薛瓚漢書集注云按汲

郡古文相居斟灌東郡灌是也明帝以封周後改

曰衛斟尋在河南非平壽也又云太康居斟尋羿

水經注

卷二十六

亦居之桀又居之尚書序曰太康失國兄弟五人

徯于海汭此即太康之居為近洛也余考瓚所據

今河南有尋也衛國有觀土國語曰啟有五觀謂

之姦子五觀蓋其名也所處之邑其名曰觀皇甫

謚曰衛也又云夏相徙南丘依同姓之諸侯于斟

灌斟尋氏即汲冢書云相居斟灌也既依斟尋明

斟尋非一居矣窮后既仗善射篡相韓浞亦因逢

蒙弑羿即其居以生澆因其室而有豷古寒韓故字通用

春秋襄公四年魏絳曰澆用師滅斟灌及斟尋氏

薛云二語凶

處澆於過處殪于戈是以伍員言於吳子曰過澆
殺斟灌以伐斟尋是也有夏之遺臣曰靡事孳孳
之死也逃于隔氏今隔縣也收斟灌尋二國之餘
燼殺韓浞而立少康滅之有窮遂亡也是蓋寓其
居而生其稱宅其業而表其邑縱遺文泐禡亭郭
有傳未可以彼有灌目謂專此爲非捨此尋名而
專彼爲是以上推傳應氏之據亦可按矣堯水又
東北注巨洋伏琛晏謨並言堯嘗頓駕於此故受
名焉非也地理志曰蕤水自劇東北至壽光入海

水經注

卷二十六

十一

泂其逗

疑作
逕

趣卽是水也

又東北入于海

巨洋水東北逕望海臺西東北流伏琛晏謨並以
爲平望亭在平壽縣故城西北八十里古縣又或
言秦始皇升以望海因曰望海臺未詳也按史記
漢武帝元朔二年封菑川懿王子劉賞爲侯國又
東北注于海也

淄水出泰山萊蕪縣原山

淄水出縣西南山下世謂之原泉地理志曰原山

左傳曰以無山

蓋有無之

無山名都氏談

見於公羊

淄水所出故經有原山之論矣淮南子曰水出自
飴山蓋山別名也東北流逕萊蕪谷屈而西北流
逕其縣故城南從征記曰城在萊蕪谷當路阻絕
兩山間道由南北門漢末有范史雲為萊蕪令言
萊蕪在齊非魯所得引舊說云齊靈公滅萊萊民
播流此谷邑落荒蕪故曰萊蕪禹貢所謂萊夷也
夾谷之會齊侯使萊人以兵劫魯侯宣尼稱夷不
亂華是也余按太無萊柞並山名也郡縣取目焉
漢高祖置左傳曰與之無山及萊柞是也應劭十

水經注

入卷二十六

淄水

十一

三州記曰太山萊蕪縣魯之萊柞邑淄水又西北
轉逕城西又東北流與一水合水出縣東南俗謂
之家桑谷水從征記名曰聖水列仙傳曰鹿皮公
者淄川人也少為府小吏才巧舉手成器岑山上
有神象人不能到小吏白府君請木工斤斧三十
人作轉輪造縣閣意思橫生數十日梯道成上其
巔作祠屋雷止其傍其二間以自固食芝草飲神
泉七十餘年淄水來山下呼宗族得六十餘人命
上山半水出盡漂一郡没者萬計小吏辭遣家室

令下山著鹿皮衣升閣而去後百餘年下賣藥齊市也其水西北流注淄水淄水又北出山謂之萊蕪口東北流者也又東北過臨淄縣東

淄水自山東北流逕牛山西又東逕臨淄縣故城南東得天齊水口水出南郊山下謂之天齊淵五泉並出南北三百步廣十步山即牛山也左思齊都賦曰牛嶺鎮其南者也水在齊入祠中齊之為名起於此矣

封禪書云秦始皇東遊海上禮祠名山大川及八神八神者一日天主祠

水經注

卷二十六

十一

天齊天齊淵水居臨淄南郊山下者二日地主祠大山梁父三日兵主祠蚩尤在東平陸監鄉齊之西境也四日陰主祠三山五日陽主祠之眾六日川主祠之萊山七日日主祠成山八日四時主祠地理風俗記曰齊所以為齊者即天齊淵名也

其水北流注於淄水又東逕四豪冢北水南山下有四冢方基員墳咸高七尺東西直列是田氏四王冢也淄水又東北逕蕩陰里西水東有冢一基三墳東西八十步是列士公孫接田開疆古冶子之墳也晏子惡其勇而無禮投桃以斃之死葬陽里即此也淄水又北逕其城東城臨淄水故曰臨

論核而有情
歐陽文忠

譚云此引萊
侯爭營丘與

史記文異子
長直疏後事

善長隱咎先
心不得以難

通病之

譚云山字宜
衍不則有脫

淄王莽之齊陵縣也。爾雅曰：水出其前，左為營丘。武王以其地封太公望，賜之以四履，都營丘為齊。或以為都營陵，史記周成王封師尚父于營丘，東就國，道宿行遲，萊侯與之爭營丘，逆旅之人口，吾聞時難得而易失，客寢安，殆非就封者也。太公聞之夜，衣而行，至營丘陵亦丘也。獻公自營丘徙臨淄，余按管陵城南無水，唯城北有一水，世謂之白狼水，西出丹山，俗謂凡山也。東北流，山爾雅出前左之文，不得以為營丘矣。營丘者，山名也。詩所謂

水經注

卷二十六

十四

子之營兮，遭我乎徂之間。今作者多以丘陵號同，又去萊差近，咸言太公所封，考之春秋經，書諸侯城緣陵，左傳曰：遷杞也。毛詩鄭注，並無營字，贊以為非近之。今臨淄城中，有丘在小城內，周迴三百步，高九丈，北降丈五，淄水出其前，故有營丘之名，與爾雅相符。城對天齊淵，故城有齊城之稱，是以安十言，始爽鳩氏居之，逢伯陵居之，太公居之，又曰：先君太公，築營之丘，季札觀風，聞齊音，曰：泱泱乎，大風也哉，表東海者，其太公乎。田巴入齊，過淄

自鏡

舊誤作回巴按新序云田巴臨淄水而觀形自知醜惡

郭景純言齊之

營丘淄水逕其南及東也非營陵明矣獻公之徙其猶晉氏深翼居絳非謂自營陵而之也其外郭卽獻公所徙臨淄城也世謂之虜城言齊湣王伐燕燕王噲死虜其民寶居因郭以名之當作虜其民寶居郭因以秦始皇三十四年滅齊爲郡治臨淄漢高六年封子肥於齊爲王國王莽更名濟南也戰國策曰田單爲齊相過淄水有老人涉淄而出不能行坐沙中單乃解裘於斯水之上也

水經注

卷二十六

十五

又東過利縣東

淄水自縣東北流逕東安平城北又東逕巨淀縣故城南征和四年漢武帝幸東萊臨大海三月耕巨淀卽此也縣東南則巨淀湖蓋以水受名也淄水又東北逕廣饒縣故城南漢武帝元鼎中封菑川靖王子劉國爲侯國淄水又東北馬車瀆水注之受巨淀李云當作首受巨淀淀卽濁水所注也呂忱曰濁水一名溷水出廣縣爲山世謂之治嶺山東北流逕廣固城西城在廣縣西北四里四周絕澗岨水

凡徑水皆當作徑

深隍晉永嘉中東萊人曹嶷所造也水側山際有五龍口義熙五年劉武帝伐慕容超於廣固也以藉嶮難攻兵力勞弊河間人玄文說裕云昔趙攻曹嶷望氣者以為繩水帶城非可攻拔若塞五龍口城當必陷石虎從之嶷請降降後五日大雨雷電震開後慕容恪之攻段龕十旬不拔塞口而龕降降後無幾又震開之舊基猶存宜城修築裕塞之超及城內男女皆悉腳弱病者大半超遂出奔為晉所擒也然城之所跨實憑地嶮其不可固城

水經注

卷二十六

其

斗云孔廟注
穆穆有詢仰
之容此注軒
之容穆然
如韓幹貌
人神情奕奕

者在此濁水東北流逕堯山東從征記曰廣固城北三里有堯山祠堯因巡狩登此山後人遂以名山廟在山之左麓廟像東面華宇修整帝圖嚴飾軒冕之容穆然山之上頂舊有上祠今也毀廢無復遺式盤石上尚有人馬之跡徒黃石而已唯乃劔之蹤逼真矣至於燕鋒代鏢魏缺齊銘與今劔莫殊以蜜模寫知人功所制矣齊銘宋本作齊銘疑當作齊鐔以蜜模寫謂以蠟模撮其迹也樹提伽經云庶人然脂諸侯然蜜天子燃漆晉書山濤傳有蜜章亦謂以蠟封奏章也西望胡公陵孫暢之所云青州刺史傅弘

補無好字
為妙玉盡盛
酒清如空亦
得此意

仁言得銅棺。隸書處濁水。又東北流。逕東陽城北。

東北流。合長沙水。水出逢山北阜。世謂之陽水也。

東北流。逕廣縣故城。西舊青州刺史治。亦曰青州。

城。陽水又東北流。石井水注之。水出南山頂。洞開。

望若門焉。俗謂是山為磬。當作頭山。其水北流。注

井。井際廣城東側。三面積石。高深一匹有餘。長津

激浪。瀑布而下。澎聳之音。驚川聒谷。崩澹之勢。狀

同洪井。北流入陽水。余生長東齊。極遊其下。於中

闊絕。乃積綿載。後因王事。復出海岱。郭公紫惠同

水經注

入卷二十六

十七

石井賦詩言意。彌日嬉娛。尤慰羈心。但恨此水時

有通塞耳。陽水東逕。故七級寺。禪房南。水北則長

廡。徧駕。舊本作迥閣。承阿林之際。則繩坐。疏班。錫

鉢。閒設。所謂修修釋子。眇眇禪棲者也。陽水又東

逕陽城東南。義熙中。晉青州刺史羊穆之築此。以

在陽水之陽。即謂城之東。陽城世以濁水為西。陽

水故也。水流亦有時窮。通信為靈矣。昔在宋世。是

水絕而復流。劉晃賦。通津焉。魏太和中。此水復竭。

輟流積年。先公除州。即在未暮。北史酈範字世則
范陽涿鹿人太武

諱云妙在疏
同一字又妙
在修修眇眇
墨字

時給事東宮太武踐祚。遠錄先朝舊勳。賜爵永寧男。爲征南大將軍。慕容白曜司馬。及定三齊。範多進策。白曜皆用其謀。遂表爲青州刺史。進爵爲侯。是水復通。澄映盈川。所謂幽谷枯而更溢。窮泉輟而復流矣。海岱之士。又

頌通津焉。平昌左民孫道相頌曰。唯彼繩泉。竭踰三齡。祈盡珪璧。竭窮斯牲。道從隆替。降由聖明。耄

民河間趙疑頌云。敷化未暮。玄澤潛施。枯源揚瀾。涸川滌陂。北海郭欽曰。先政輟津。我后通洋。但頌

廣文頌。難以具載。陽水又北。屈逕漢城。陽景王劉章廟。東東注于巨洋。後人場斷。令北注濁水。特人

水經注

入卷二十六

六

通謂濁水爲陽水。故有南陽北陽水之論。二水渾流。世謂之爲長沙水也。亦或通名之爲繩水。故晏

謨伏琛爲齊記。並云東陽城。旣在繩水之陽。宜爲繩陽城。非也。世又謂陽水爲洋水。余按羣書。盛言

洋不出臨朐縣。而陽水導源廣縣。兩縣雖隣。川上不同。於事疑焉。濁水又北。逕臧氏臺。西又北。逕益

城西。又北流。注巨淀。地理志曰。廣縣爲山。濁水所出。東北至廣饒。入巨淀。巨淀之右。又有女水。注之。

水山東安平縣之蛇頭山。從征記曰。水西有桓公。

冢甚高大，墓方七十餘丈，高四丈，員墳圍二十餘丈，高七丈餘，一墓方七丈，二墳晏謨曰：依陵記非葬禮，如承世故，與其母同墓而異墳，伏琛所未詳也。冢東山下，女水原有桓公祠，侍其衡。三字未詳奏魏武王所立曰：近日路次齊郊，瞻望桓公墳壟，在南山之阿，請為立祀，為塊然之主。郭緣生述征記曰：齊桓公冢在齊城南二十里，因山為墳，大冢東有女水，或云齊桓公女冢在其上，故以名水也。女水導川東北流，甚有神焉。化隆則水生，政薄則津竭。

水經注

入卷二十六

九

燕建平六年，水忽暴竭，玄明惡之，寢病而亡。燕太上年，女水又竭，慕容超惡之，燕祚遂淪。女水東北流，逕東平安縣故城南。續述征記曰：女水至安平城南，伏流一十五里，然後更流注北楊水。城故鄒亭也。春秋魯莊公三年，紀季以鄒入齊。公羊傳曰：季者，何紀侯弟也。賢其服罪，請鄒以奉五祀。田成子單之故邑也。史記齊襄王入臨淄，封田單為安平君。集解云：安平城在青州臨淄縣東十九里，古紀之鄒邑也。後以為縣。博陵有平，故此加東也。世祖建武七年，封菑川王子劉茂為侯國，又逕

安平城東東北逕壟丘東東北入淀地理志曰菟頭山女水所出東北至臨淄入巨淀又北爲馬車瀆北合淄水又北時繩之水注之時水出齊城西通鑑注引此無南字南北二十五里平地出泉卽如水也亦謂之源水

因水色黑俗又目之爲黑水西北逕黃山東又北歷愚山山東有愚公冢時水又屈而逕杜山北有愚公谷齊桓公時公隱於穀隣有認其駒者公以與之山卽杜山之通阜以其人狀愚故謂之愚公韓非子曰齊桓公入山問父老此爲何谷答曰臣舊畜牛生犢以子買駒少年謂牛不生駒遂持而

水經注

入卷二十六

三

去傍隣謂臣愚遂名爲愚公谷

故山水有石梁亦謂爲石梁水又

有澧水注之水出時水東去臨淄城十八里所謂

澧中也俗以澧水爲宿留水西北入于時水孟子

去齊三宿而後出澧故世以此而變水名也水南

山西有王歎墓昔樂毅伐齊賢而封之歎不受自

縊而死水側有田引水溉跡尚存時水又西北逕

西安縣故城南本渠也齊大夫離稟之邑矣

左傳作雍

廩

王莽更之曰東寧時水又西至石洋堰分爲二

水謂之石洋口枝津西北至梁鄒入洌時水又北

逕西安城西又北京水系水注之水出齊城西南
世謂寒泉也東北流直申門西京相璠杜預並言
申門即齊城南面西第一門矣為申池昔齊懿公
遊申池邴戎庸職二人害公於竹中左傳作邴
歌聞職今
池無復髣髴然水側尚有小竹水以時遺生也
左思齊都賦注申池在海濱齊藪也余按春秋襄
公十八年晉伐齊戊戌伐離門之藪己亥焚雍門
壬寅焚東北二郭甲辰東侵及沂而不言北掠于
海且晉獻子尚不辭死以逞志何容對仇敵而不

水經注

入卷三十六

三

徵暴草木于海嶠乎又炎夏火流非遠遊之辰懿
公見弑蓋是白龍魚遯見困近郊矣遯當
作服左氏捨

近遺遠考古非議杜預泛言有推據耳系水傍城

北流逕陽門西水次有故封處所謂齊之稷下也

當戰國之時以齊宣王喜文學遊說之士鄒衍淳

于髡田駢接子慎到之徒七十六人皆賜列第為

上大夫不治而論議是以齊稷下學士復盛且數

百十人劉向別錄以稷為齊城門名也談說之士

期會於稷門下故曰稷下也鄭志曰張逸問贊云

譚云遯字換
得好言隱於
前非誤也
疑有脫文

按贊云常有書字

譚云或為桑
樓或為荆棘
備地自為此
二種

我先師棘下生何時人鄭玄答云齊田氏時善學者所會處也齊人號之棘下生無常人也余按左傳昭公二十二年莒子如齊盟于稷門之外漢以叔孫通為博士號稷嗣君史記音義曰欲以繼蹤齊稷下之風矣然棘下又是齊城內地名左傳定公八年陽虎劫公伐孟氏入自上東門戰于南門之內又戰于棘下者也蓋亦儒者之所萃焉故張逸疑而發問鄭玄釋而辯之雖異名于見大歸一也城內有故臺有營丘有故景王祠即朱虛侯章

水經注

卷二十六

三

譚云家下
川古來無齒

廟矣晉起居注云齊有大蛇長三百步負小蛇長百餘步逕於市中市人悉觀自北門所入處也北門外東北二百步有齊相晏嬰冢宅左傳晏子之宅近市景公欲易之而嬰弗更為誠曰吾生則近市死豈易志乃葬故宅後人名之曰清節里系水又北逕臨淄城西門北而西流逕梧宮南昔楚使聘齊齊王饗之梧宮即是宮矣其地猶名梧臺里臺甚層秀東西一百餘步南北如減即古梧宮之臺臺東即闕子所謂宋愚人得燕石處臺西有石

梧臺亦
編有

譚云無成之
下恐脫一

譚云如釋氏
論家語

行碑一作石碑猶存漢靈帝熹平五年立其題云

梧臺里系水又西逕葵丘北春秋莊公八年襄公

使連稱管至父戍葵丘京相璠曰齊西五十里有

葵丘地若是無戍之僖公九年齊桓會諸侯于葵

丘宰孔曰齊侯不務修德而勤遠略葵丘不在齊

也引胡廣汾陰葵丘山陽西北葵城宜在此非也

余原左傳連稱管至父之戍葵丘以瓜時而往還

之期請代弗許將為齊亂故令無寵之妹侯公於

宮因無知之出遂害襄公若出遠無伐寧得謀及

水經注

卷二十六

三

婦人而為公室之亂乎是以杜預稽春秋之旨即

傳安之注于臨淄西不得捨近託遠苟成已異於

異可殊即義為負然則葵丘之戍即此地也時水

西左迤為潭又西逕高陽僑郡南魏所立也又西

北流注于時時水又東北流繩水注之水出營城

東世謂之漢溱水也西北流逕營城北漢景帝四

年封齊悼惠王子劉信都為侯國繩水又西逕樂

安南博昌縣故城南應劭曰昌水出東萊昌陽縣

道遠不至取其嘉名闕駟曰縣處勢平故曰博昌

繩水西歷貝丘京相璠曰博昌縣南近繩水有地名貝丘在齊西北四十里春秋莊公八年齊侯田于貝丘見公子彭生豕立而泣齊侯墜車傷足於是處也繩水又西北入時水從征記又曰水出臨淄縣北逕樂安博昌南界西入時水者也自下通謂之爲繩也昔晉侯與齊侯宴齊侯曰有酒如繩指喻此水也時水又屈而東北逕博昌城北時水又東北逕齊利縣故城北又東北逕巨淀縣故城北又東北逕廣饒縣故城北東北入淄水地理風

水經注

入卷三十六

三十四

俗志曰淄入濡淮南子曰白公問微言曰若以水投水如何孔子曰淄繩之水合易牙嘗而知之謂

斯水矣

淮南所引孔子白公語出列子說符篇及呂氏春秋審應覽俱作淄澠

又東北入于海

淄水入馬車瀆亂流東北逕琅槐故城南又東北

逕馬井城北與時繩之水互受通稱故邑流其號

又東北至皮丘沈入于海故晏謨伏璆並言淄繩

之水合於皮丘沈西地理志曰馬車瀆至琅槐入

于海也蓋舉縣言也

古文文說
以有繩水
城之語當
凡為繩索
繩曰水名
如小竹繩
井繩也

汶水出朱虛縣泰山

山上有長城西接岱山東連琅邪巨海千有餘里
蓋田氏之所造也竹書紀年梁惠成王二十年齊
築防以為長城竹書又云晉烈公十二年王命韓
景子趙烈侯及我師伐齊入長城史記所謂齊威
王越趙侵伐我長城者也伏琛晏謨並言水出縣
東南嵒山山在小泰山東者也

北過其縣東

譚云元次山
樓密處皆名

水經注

入卷二十六

三五

汶水自縣東北逕嵒城北地理風俗記曰朱虛縣

昔而加以山

寺傍圍實

是處也

華子魚

安右

東四十里有嵒亭城故縣也又東北逕管寧冢東
故晏謨言柴阜西南有魏獨行君子管寧墓墓前
有碑又東北逕柴阜山北山之東有徵士郗原冢
碑誌存焉汶水又東北逕漢青州刺史孫嵩墓西
有碑碣汶水又東逕安丘縣故城北漢高帝八年
封將軍張敖為侯國地理志曰王莽之誅郅也孟
康曰今渠丘亭莒渠丘城是也伏琛晏謨齊記並
言亭在丘城東北十里非城也城對牟山山之西
南有孫賓碩兄弟墓碑誌並在也

又北過淳于縣西又東北入于縣

故夏后氏之斟灌國也周武王以封淳于公號曰淳于國春秋桓公六年冬州公如曹傳曰淳于公如曹度其國危遂不復也其城東北則兩川交會也

濰水出琅邪箕縣

琅邪山名也越王句踐之故國也句踐并吳欲霸中國徙都琅邪秦始皇二十六年滅齊以爲郡城卽秦王之所築也遂登琅邪大樂之山作層臺於

水經注

入卷二十六

濰水

三六

其上謂琅邪臺臺在城東南十里孤立特顯出于衆山上下周二十里餘傍濱巨海秦王樂之因雷三月乃徙黔首二萬戶於琅邪山下復十二年所作臺基三層層高三丈上級平敞方二百餘步高五里刊石立碑紀秦功德臺上有神淵淵主靈焉人汗之則竭齋潔則通神廟在齊八祠中漢武帝亦嘗登之漢高帝呂后七年以爲王國文帝三年更名爲郡王莽改曰填夷矣濰水導源濰山許慎呂忱云濰水出箕屋山淮南子曰濰水出覆舟山

蓋廣異名也。東北逕箕縣故城西，又西析泉水注之。水出析泉縣北松山，東南流析泉縣東，又東南逕仲固山，東北流入于濰。地理志曰：至箕縣北入濰者也。濰水又東北逕諸縣故城西。春秋文公十二年，季孫行父城諸及鄆，傳曰：城其下邑也。王莽更名諸并矣。濰水又東北涓水注之，出馬耳山，山高百丈，上有二石並舉，望齊馬耳，故世取名焉。東去常山三十里，涓水發于其陰，北逕婁鄉城。東，春秋昭公五年，經書夏莒牟夷以牟婁防茲來奔者。

水經注

八卷三十六

三

也。又分諸縣之東爲海曲縣，故俗人謂此城爲東諸城。涓水又北注于濰水。

東北過東武城縣西

縣因岡爲城，城周三十里。漢高帝六年，封郭蒙爲侯國，王莽更名之曰祥善矣。又北左合扶淇之水，水出西南當山，東北流注濰。晏謨並以濰水爲扶淇之水，以扶淇之水爲濰水，非也。按經脈誌，濰自箕縣北逕東武縣西北流，合扶淇之水。晏謨伏琛云：東武城西北二里濰水者，卽扶淇之水也。濰水

譚云勝火之名雄於不灰

又北右合盧水即久台水也地理志曰水出琅邪橫縣故山王莽之合丘也山在東武縣故城東南世謂之盧山也西北流逕昌縣故城西東北流齊地記曰東武城東南有盧水水側有勝火木方俗音曰檉子其木經野火燒死炭不滅故東方朔云不灰之木者也其水又東北流逕東武縣故城東而西北入濰地理志曰久台水出東南逕東武入濰者也尚書所謂濰淄其道矣

又北過平昌縣東

水經注

入卷三十六

天

濰水又北逕石泉縣故城西王莽之養信也地理風俗記曰平昌縣東南四十里有石泉亭故縣也

濰水又北逕平昌縣故城東荆水注之水出縣南荆山阜東北流逕平昌縣故城東漢文帝封齊悼

惠王肥子永為侯國

按史記齊悼惠王子劉卬封平昌侯

城之東南

角有臺臺下有井與荆水通物墜於井則取之荆水昔常有龍出入于其中故世亦謂之龍臺城也荆水又東北流注于濰水又北浯水注之水出浯山世謂之巨平山也地理志曰靈門縣有高原山

與浯一山

按漢地理志云靈門縣有高栗山壺山浯水所出注云栗古柞字

浯水

所出東北入濰今是山西接浯山許慎說文言水出靈門山世謂之浯汶矣其水東北逕姑幕縣故城東縣有五色土王者封建諸侯隨方受之故薄姑氏之國也闕駟曰周成王時薄姑與四國作亂周公滅之以封太公是以地理志曰或言薄姑也

王莽曰季睦矣應劭曰左傳曰薄姑氏國太公封焉薛瓚漢書注云博昌有薄姑城未知孰是浯水又東北逕平昌縣故城北古場此水以溢溉田南

水經注 卷二十六 三九

注荆水浯水又東北流而注于濰水也

又北過高密縣西

應劭曰縣有密水故有高密之名也然今世所謂百尺水者蓋密水也水有二源西源出奕山亦曰鄆日山晏謨曰山狀鄆日是有此名伏琛曰山上鄆日故名鄆日山也其水東北流東源出五弩山西北流同瀉一壑俗謂之百尺水古人竭以溉田數十頃北流逕高密縣西下注濰水自下亦兼通稱焉亂流歷縣西碑產山西又東北水有故堰舊

鑿石豎柱斷濰水廣六十許步掘東岍激通長渠
東北逕高密故城南明帝永平中封鄧震爲侯國
震鄧禹長子縣南十里蓄以爲塘方二十餘里古所謂
高密之南都也溉田一頃許陂水散流下注夷安
澤濰水自堰北逕高密縣故城西漢文帝十六年
別爲膠西國宣帝本始元年更爲高密國王莽之
章牟也濰水又北昔韓信與楚將龍且夾濰水而
陣於此信夜令爲萬餘囊盛沙以遏濰水引軍擊
且僞退且追北信決水水大至且軍半不得渡遂
元年復也

又北過淳于縣東

此東注也
濰水又北左會汶水北逕平城亭西又東北逕密
鄉亭西郡國志曰淳于縣有密鄉地理志皆北海
之屬縣也應劭曰淳于縣東北六十里有平城亭
又四十里有密鄉亭故縣也濰水又東北逕下密

水經注

入卷二十六

三

縣故城西。城東有密阜。地理志曰有三石山祠。余按應劭密者水名。是有下密之稱。俗以之名阜。非也。

又東北逕都昌縣東。

濰水東北逕逢萌墓。萌縣人也。少有大節。耻給事縣亭。遂浮海至遼東。復還。在不其山。隱學。明帝安車徵萌。以佯狂免。又北逕都昌縣故城東。漢高帝六年封朱軫為侯國。北海相孔融為黃巾賊管亥所圍於都昌也。太史慈為融求救。劉備持的突圍。

水經注

卷二十六

注

其處也。見吳志

又東北入于海。

膠水出黔陬縣膠山。北過其縣西。

齊記曰膠水出五弩山。蓋膠山之殊名也。北逕祝茲縣故城東。漢武帝元鼎中封膠東康王子延為侯國。又逕扶縣故城西。地理志琅邪之屬縣也。漢文帝元年封呂平為侯國。膠水又北逕黔陬故城。西袁崧郡國志曰縣有介亭。地理志曰故介國也。春秋僖公九年介葛盧來朝。聞牛鳴曰是生三犧。

譚云耻而隱
隱而學徵而
佯狂方是有
大節人方是
有作用人

皆用之間之果然晏謨伏琛並云縣有東西二城相去四十里有膠水非也斯乃根艾水也水出縣

西南根艾山即齊記所謂黔艾山也東北流逕拒

縣故城西王莽之秩國也地理作秩同世謂之王城又謂是水

為洋洋水矣又東北逕晏伏所謂黔陬城西四十

里有膠水者也又東入海地理志曰琅邪有推縣

根艾水出焉宋本作推縣按前漢地理志云琅邪有根縣注云根艾水東入海如淳

云柜音巨東入海即斯水也今膠水北逕晏伏所謂西

黔陬城東高密郡側有黔陬縣地理志曰膠水出

水經注 卷三十六 膠水 三

鄭縣鄭今地志作却音夫又音扶王莽更之純德矣疑即是縣

所未詳也

又北過夷安縣東

縣王莽更名之曰原亭也應劭曰故萊夷邑也太

史公曰晏平仲萊之夷維之人也漢明帝永平中

封鄧珍為侯國珍鄧禹子西去淮水四十里膠水又北

逕膠陽東晏伏並謂之東亭自亭結路南通夷安

地理風俗記曰淳于縣東南五十里有膠陽亭故

縣也又東北逕左會一水世謂之張奴水水發夷

譚云一推一拒安見不合

安縣東南阜下西北流歷膠陽縣注于膠水之左
東北為澤水渚百許里謂之夷安潭潭之澤周四
十里亦濰水枝津之所注也膠水又東北逕下密
縣故城東又東北逕膠東縣故城西漢高帝元年
一別為國景帝封子寄為王國王莽更之郁秩也今
長廣郡治伏琛晏謨言膠水東北迴達于膠東城
北百里流注于海

又北過當利縣西北入于海

縣故王莽更之東萊亭也又北逕平度縣漢武帝

水經注

卷二十六

三十一

元朔二年封菑川懿王子劉衍為侯國王莽更名
之曰利盧也縣有土山膠水北歷土山注于海海

南土山以北悉鹽坑

坑玉篇作鹹音亢云鹽澤也北史楊義臣以遼東還兵入

豆子鹹討賊譌寫作鹹又省作坑

相承修煮不輟北眺巨海杳冥

無極天際兩分白黑方別所謂之溟海者也故地

理志曰膠水北至平度入海者也

九月初五日乙夜記

卷二十六
水經注
卷二十六